

國家圖書館藏歷史檔案文獻叢刊

民國外交檔案文獻匯覽

第2冊

全國圖書館文獻縮微復制中心

國家圖書館藏歷史檔案文獻叢刊

民國外交檔案文獻匯覽

第 2 冊

全國圖書館文獻縮微複製中心

七月一日

收廈門交涉負電

養甫敬悉查廈門無往來薩摩島之船詢據英
商宗記船行復稱祇有馮安一船可載二千八僱
費需香港紙票廿萬元立約日先交十萬元餘
俟船由該島啟行時交清如定約該船當飭九
月咸日至有日到該島各港限停泊十日等語謹
聞陳恩燾叩卅

七月二日

收駐比汪公使電

由俄京轉

轉四川巡按使留比四川自費生袁能性等十人聞
留法川生得有本省接濟援例求電尊處一律發
給特轉達乞電復榮一日

十六日德公布戰事如下西戰地法英以俄軍敗潰
於各處猛攻英人於意配爾近處得據德軍地
勢少許然英軍時於埃司特不及拉巴色運河之
間兩次進攻俱經擊敗東戰地德軍向黎波歐及

噶日瓦爾亞一帶撲攻佔據地段數處獲俄俘
二百餘東南戰地俄軍敗潰在彼仍欲於溪尼
亞瓦之北及桑木博爾之東拒戰然卒被德奧聯軍
擊退提督馬肯森之軍於前日內獲俄俘四萬
機炮六十九架俄人於登葉司特法地及楚阿
夫校之間稍佔地段大局無所更變云惠十七日四
十八號

收駐德顏公使電

二十六日戰訊林增根之軍於敦頁斯特尔河北山

進攻有效哈黎克茨近帶仍有俄隊堅守於三日
內獲俄俘三千五百倫伯尔克東南各隊俱向東追
擊東西兩戰地俄法數次猝攻均經擊潰云惠二十

七日

收阿尔泰辦事長官電

政事堂外交部鈞鑒俄兵民在冲呼尔河東開槍
傷斃戶民一案業經雙方委員馳往訊驗明白中國
一方實槍斃三重傷二人俄屬一方僅傷一人餘均不
實在現將委員驗訊口供傷單屍格一切公文抄

咨外交部到時祈閱便知備細一面仍由長炳與
俄領商辦隨時具報謹先電聞署阿尔泰辦事
長官劉長炳叩銑

收阿尔泰辦事長官電

政事堂呈

大總統鈞鑒外交部鈞鑒河山俄兵未退日肆侵畧交涉
為難迭經呈請飭部設法在案然極端辦法總不外
由政府與俄使提議將三年提出條款孰允孰駁逐
一解決締約遵守舍此絕無良策查四月二十三日俄

領照履長炳會冲呼尔河等處俄民種地據何理由案再開俄民阿爾泰租種地畝並遷居阿爾泰之理由與舊章其解決在乎敦勸中央政府與駐京俄公使商議定奪辦理早經本領事照會在案此事若俟北京商妥尚須時日貴長官如願與本領事商訂安插俄民之臨時條約至如何辦法由雙方按照新條約詳酌辦理如能許可由本領事呈請駐北京俄使予以相當辦事權限等語長炳以專指種地一項有碍主權且有臨時即

有正式語設誘哄難免不蹈怕親王允許行輪
通商覆轍照會於十一日長炳率外交委員到
領署間談說到現在公事彼此均極困難其原因
總以中俄交涉未經解決締約之故若有條約
則吾二人相交年餘均極相得斷無難為之事
一方電請中國政府一方電請公使將兩國交涉在
北京提議解決締約遵守云云自是正辦兩相同
意查中外交涉遲延固屬慎重而日久變生事所
常有阿山俄人進步日甚一日似難從緩該俄領

既願分頭電請應電懇

大總統飭部提議在中央與俄使將條件解決締約須守如其實行未始非維持之一法現在中日交涉已了恰圖會議諒已就緒阿山一方想可辦理惟長炳愚昧總以自開商埠主權在我為要義如俄人十分要挾只可於開導之中略予權利是否有當出自鈞裁再長炳此次與俄領接洽所言分頭電請在北京交涉締約僅說電請並未議及條件如何允許俄

人在阿一切何事可允何事不認均未談論俄
領為人狡詐恐所報不符致受影響合併陳
明署阿爾泰辦事長官劉長炳叩文

七月三日

收上海特派員電

同文賠款奉電遵陳齊使並聲明二十萬五千數
三箇月付款期逾期應代給息等因給息所損實
多速籌陸續交付較便乞鈞電齊使以昭慎重嚴

江

收阿爾泰辦事長官電

五日電敬悉查該案早將全卷抄錄咨陳鈞部到
京希請詳察便知終始俄使所稱阿事多屬虛

報彼係指長炳一方而言然長炳係中國官吏斷難
順外人意見上欺政府下虐人民且此案所在地點
離承化寺僅三十里衆目昭彰何能妄報但彼以
強權我循公理其中自有不同絕大原因鈞部總
攝外交外人性質想在洞鑒至會訊業經長炳定
期俄領推諉嗣照請伊自定時日會議彼見其請
反言抱自由主義不答又以繙譯不好擱置現正婉
商賡續審理但俄領對於俄兵滋事案件均以支
吾不察希圖朦混不求水落石出故何日得達目

的尚難預知今惟有祇遵訓令和平商辦以圖了
結而已謹此電覆伏維鈞鑒署阿爾泰辦事長官
劉長炳叩文

收駐德顏公使電

二十九日戰訊德奧聯隊右路向東北進攻其左翼已
抵俄境脫馬司碯夫近帶他戰地無大變動云惠

三十六日十三號

收汕頭交涉員電

養電敬悉汕埠並無美輪來往僱船辦法礙難詢

問薩摩島華工期滿按合同應由園主遣現情事
變更已否與英使定有辦法乞電示接洽邵福瀛
東

七月四日

收廣東將軍雷

東雷敬悉此事雖迭因故障遷延然已委託廣
惠龍鎮守使代表往拜在先並非無意答拜唯
雷前因客即訂日親往拜候以敦睦誼特此奉
復龍濟光叩江

收駐美夏公使雷

賑款已到經商紅會運糧賑濟允照辦用款俟
知寔數來取並轉匯墨館美幣一千備急賑金